



SAMPAIKAN ... Dr Harun menyampaikan sumbangan baucer bantuan kepada salah seorang pelajar.



LAYAN MESRA ... Dr Harun memberi layanan mesra kepada pelajar.

UMS sedia bantuan kepada Kumpulan Pelajar B40

KOTA KINABALU: Universiti Malaysia Sabah sentiasa komited dalam memastikan kebajikan para pelajarnya terjaga sepanjang tempoh pengajian.

Ini termasuklah seramai 89 orang kumpulan pelajar baharu UMS kategori isi rumah 4 peratus terendah (B40) pada sesi kemasukan pelajar baharu 2015/2016 baru-baru ini.

Bagi meringankan beban kumpulan pelajar tersebut pada sesi awal pengajian ini, UMS mengambil inisiatif untuk memberikan bantuan berupa makanan selama sebulan sementara para pelajar

menguruskan dan mendapatkan pinjaman dari Perbadanan Tabung Pendidikan Tinggi Nasional (PTPTN).

Perkara ini dinyatakan oleh Naib Canselor UMS, Prof. Datuk Dr. Mohd. Harun Abdullah dalam satu sesi ramah mesra bersama pelajar mekanisme mod kemasukan baharu isi rumah 40 peratus terendah baru-baru ini.

Menurutnya, bantuan ini diharap mampu meringankan beban para siswa-siswi baharu yang terlibat dan fokus kepada sesi kuliah yang telah bermula.

“Menjadi harapan saya agar setiap

pelajar yang terpilih tidak menia-siakan peluang yang ada setelah menjejakkan kaki ke universiti.

“Sebarang masalah yang dihadapi bolehlah berjumpa dengan pegawai di Jabatan Hal Ehwal Pelajar yang sedia membantu anda,” ujarnya.

Penawaran kemasukan pelajar ke universiti yang tersenarai dalam kategori B40 merupakan satu daripada inisiatif UMS dalam menjalankan tanggungjawab untuk memastikan para pelajar yang kurang kemampuan dapat meneruskan pengajian ke peringkat universiti.